

დევენილები ბაკურციხეში: ნესტის სუნით გაჟღენთილი პერსპექტივა

მარი ოთარაშვილი

ბაკურციხის რაიონის სოფელ ბაკურციხეში ნამდვილი მაისია: მზე ბრწყინვალეებს და იასამნები ყვავის. დევნილთა კორპუსებში კი მაისის მზემ ჯერ ვერ შეაღწია: მათი ოთახები ნესტით არის გაჟღენთილი.

ბაკურციხეში დევნილები ლტოლვილთა და განსახლების სამინისტრომ იანვარში გადმოასახლა. ისინი პროფტექნიკური სასწავლებლის საერთო საცხოვრებლის სამსართულიან შენობაში ცხოვრობენ.

პირველ სართულზე კედლები ნესტისგან არის გაშავებული. ირგვლივ ნესტის სუნი დგას. ნესტი ზედა სართულზეც აღწევს. მეორე და მესამე სართულებზე ონკანებში წყალი იშვიათად მოდის.

„ყველაფერი უხარისხოდ არის გაკეთებული. მეტლახი ძალიან ცუდადაა დაგებული - დატყდა; ფილები ცვივა. ონკანები, პრაქტიკულად, მოშლილია. წეროვანში დევნილებს ნემსიც კი დაახვედრეს. ჩვენ რა დავაშავეთ?

არაფერი გვინდა, ოღონდ ნესტი არ იყოს და საარსებო მიწა მოგვცენ“, - ამბობს გუდაუთიდან დევნილი ირინა სირაძე.

„ისეთი ნესტია, მალე სოკოები ამოგვივა. ხომ ხედავთ, კედლები გაშავებულია. გვეშინია, ბავშვები ტუბერკულოზით არ დაავადნენ. ეს ავეჯი ჩვენი მოტანილია: აქ არაფერი დაგვხვედრია. ორსველი საბაჟო დეპარტამენტის შენობა ახლაც დაკეტილია. რა იქნებოდა, ზაფხულამდე იქ რომ ვყოფილიყავით?“ - ამბობს კოდორიდან დევნილი, ობლების დედა - მარინა აფრასიძე.

„კატას თვალახვეულს რომ გადააგდებენ - იმიტომ, რომ უკან აღარ დაბრუნდეს, სწორედ ისე წამოგვიყვანეს: სატივრო მანქანაში შეგვყარეს. კარები რომ ჩაქეტეს, ერთმანეთს ველარ ვხედავდით“, - იხსენებს გამოსახლების დეტალებს აფრასიძე.

ბაკურციხეში ჩასახლებული დევნილებისთვის ყველაზე დიდი პრობლემა დასაქმებაა. საარსებო წყარო მათ, პრაქტიკულად, არ აქვთ. თავს მოჯამაგირებით ირჩენენ. ამბობენ, რომ

გაცილებით უკეთესი იქნებოდა, მთავრობამ დასამუშავებელი მიწა მისცეს და თავი ასე ირჩინონ, ვიდრე მისი დახმარების მოლოდინში იყვნენ.

„საიდან ვიშოვოთ ლუკმა-პური? დახმარებების იმედად როდემდე ვიყოთ? უკვე ისიც აღარ მოაქვთ. სუბელიანი შეგვპირდა, ქათმებს მოგიყვანთო. საქათმეები ავაშენეთ, მაგრამ ქათმები არ ჩანს. სოფელში რომ გადმოგვასახლეს, მიწის ნაკვეთი ხომ გვინდა? რით ვიარსებოთ? ხევი დავებარეთ, მაგრამ ისიც სხვისი ტერიტორიაა. მოჯამაგირებად დავდივართ და თავს ასე ვირჩენთ. ეს გვეყოფა?“, - ამბობს ირინა სირაძე.

ბაკურციხის პროფსასწავლებლის შენობაში დაახლოებით 46 დევნილი ოჯახი ცხოვრობს. თითქმის ყველა აფხაზეთიდან არის. მათი ნაწილი აგვისტოში გადმოასახლეს, ნაწილი კი - იანვარში.

მინისტრი სუბელიანი ბაკურციხეში 3 მარტს იყო. დევნილები ამბობენ, რომ სწორედ მაშინ შეჰპირდა ის მიწებსაც, ქათმების მოყვანასაც და საქათ-

მეების აშენებასაც. მას შემდეგ არც დანაპირები ჩანს და არც - სუბელიანი.

მარინა აფრასიძე: „სუბელიანი რომ მოვიდა, არანაირი პრეტენზია არ გამოგვიხატავს. თავი ისე მოვაჩვენეთ, თითქოს ყველაფრით კმაყოფილები ვიყავით. ასე იმიტომ მოვიქცით, რომ მისმა თანმხლებმა პირებმა - სამინისტროს წარმომადგენლებმა დაგვარიგეს: ცუდი არაფერი თქვათ, თქვენთვის ასე უკეთესი იქნებაო. დანაპირები სად არის?“

კახეთში სახნავ-სათესი მიწები და საძოვრებიც უხვად არის, მაგრამ დევნილებისთვის ეს პრაქტიკულად არაფერს ნიშნავს. მათ ისიც ვერ გაურკვევიათ, ეკუთვნით თუ არა შეღავათები ელექტროენერგიით მომარაგებისას.

ზაირა ნიფარაძე, ოჩამჩირიდან: „ამბობენ, რომ დენზე შეღავათები გვაქვს, მაგრამ ნამდვილად ასეა თუ არა, არ ვიცით. ზამთარში დენით ვთბებოდით, მაგრამ ასეთ სინესტეში ოთახებს რა გაათბობდა? ავარიული შენობაა, გადახრილი. ეს ფანჯრებიც ჰაერს არ ატარებს.“

ნინა იარენკო, სოსუმდანი: „თითქმის ყველანი პენსიაზე ვართ. და მხოლოდ ამ პენსიით რამდენი რამ უნდა შევიძინოთ? არავინ გვეხმარება. მხოლოდ ცარიელი სიტყვებია!“

დევნილები ჩვენთან საუბრისას ამბობენ, რომ მიზერული დახმარება, რომელსაც ისინი იღებენ ფქვილის, მაკარონის, ზეთისა და ერთჯერადი ჰიგიენური საშუალებების სახით, ყოველთვიური არ არის.

ზაირა ნიფარაძე: „ჰუმანიტარული დახმარება სულ სამჯერ მოგვიტანეს. თურმე, მნიშვნელობა არ აქვს, ერთსულოვანი ოჯახი გყავს თუ ხუთსულოვანი: ყოველ ოჯახს ერთი პატარა ტომარა ფქვილი, 1 კგ შაქარი, 1 კგ მარილი ერგება. სააღდგომოდ, ყველა ოჯახს თითო პასკა, ორი ბოთლი ლიმონათი და კვერცხები მოგვიტანეს.“

ბაკურციხეში გადასახლებული დევნილები იმასაც ამბობენ, რომ სამინისტროს წარმომადგენლები მათ პროდუქტის მიწოდების დროსაც ატყუებენ:

დასასრული
მე-2 გვერდი

არჩევანი, როგორც პარადოქსი ზუგდიდში, „დოსააფის“ ცენტრში მცხოვრები დევნილებისთვის

ნონა უბილავა

აქ შიმშილი, ავადმყოფობა, არაჯანსაღი ფსიქოლოგიური ფონი მძვინვარებს. აქ აღარავის უკვირს, რომ არასრულწლოვანი დევნილი გოგონა ტუბერკულოზის ღია ფორმით არის დაავადებული, ხოლო დევნილ ქალბატონს, რომელსაც ანემიის მძიმე ფორმა ჰქონდა, უკვე ლეიკემიის დიაგნოზი დაუსვეს. ეზოში მდებარე, ამორტიზებული ორი საპირფარეო და მოუნესრიგებელი საკანალიზაციო მიწები ინფექციის გავრცელების აქტიური წყაროა.

ზუგდიდში, სუბულავას ქ. №11-ში მდებარე კოლექტიურ ცენტრ „დოსააფში“ დევნილთა ჩასახლება 1993 წელს დაიწყო. ეს პროცესი 1998 წელსაც გაგრძელდა. ცენტრში 40 დევნილი ოჯახია რეგისტრირებული. მათი უმრავლესობა გალის რაიონის დაბალი ზონის მცხოვრებია, შესაბამისად, მაღალია მიგრაციის დონე.

აქამდე შენობა რეგისტრირებული იყო, როგორც თავდაცვის სამინისტროს საკუთრება, ამჟამად კი მისი მფლობელი ეკონომიკის სამინისტროა. კოლექტიური ცენტრის ორ ორსართულიან და სამ ერთსართულიან შენობაში ცხოვრების აუტანელი პირობებია. ერთ-ერთ შენობას მზიან ამინდშიც კი აწვიმს. საქმე ის არის, რომ წვიმიან ამინდში ენ „სინკარებში“ წყალი გროვდება. დევნილები ოთახებში ქოლგებით დგებიან.

ზაირა მირცხულავა: - რამდენიმე წლის წინათ, შენობები დანიის ლტოლვილთა საბჭომ გაგვირემონტა, მაგრამ უკ-



ვე გვანჯიშს; აიყარა იატაკი, მოუნესრიგებელია სველი წერტილები. არჩევნების წინ საკრებულოს ახლანდელი თავმჯდომარე დახმარებას დაგვიპირდა, თუმცა, მისი არჩევის შემდეგ არანაირი დახმარება არ მიგვიღია. აფხაზეთის მთავრობაზე არაფერს ვამბობ. მისი წარმომადგენელი მხოლოდ ერთხელ იყო მოსული. შემდეგ ჩვენი არაერთი თხოვნის მიუხედავად, აღარ გამოჩენილა.

ცოტა ხნის წინ ძალიან დაგვეხმარა არასამთავრობო ორგანიზაცია „დეა“ - გამოკვლევები ჩაგვიტარდა. თუმცა, მედიკამენტების შეძენას ვერ ვახერხებთ.

არასამთავრობო ორგანიზაცია „გაენათის“ თანამშრომლებმა სკამები, მაგიდები და სხვა საყოფაცხოვრებო ნივთები მოგვითქანეს.

დევნილთა და განსახლების სამინისტროს წარმომადგენლები კი მხოლოდ იმისათვის

მოდიან, რომ გასახლების თაობაზე ინფორმაცია მოგვანდონ. მაგრამ სოფლებში გადას-

ზუგდიდში მდებარე „დოსააფის“ კოლექტიურ ცენტრში დევნილებს, არაადამიანური პირობების შემსუბუქების ნაცვლად, სამინისტრო გასახლებაზე ესაუბრება

ვლაზე ჩვენ კატეგორიული უარი განაცხადებდა.

სათუნა მირცხულავა: - მე არსად გადავალ - იმიტომ,

რომ აქ ვარ ინტეგრირებული. აქ ჩასახლებულების უმრავლესობას ვალები გვაქვს. საკვებ

პროდუქტებს მიმდებარე მაღაზიებში ნისიად გვაძლევენ. იყო შემთხვევა, როდესაც ვალი ორი წლის განმავლობაში ვერ გადა-

ვიხადე. სხვაგან ასე ვინ გაითვალისწინებს ჩემს მდგომარეობას? მირჩენია, მანვიმდეს, ვიდრე შვილები შიმშილით დამეხოცოს. ზოგიერთი ჩემი მეზობელი ჯარის აგროვეს და ასე გააქვს თავი (ჩასახლება მდ. ჩხოუშიას ახლოს მდებარეობს - ავტ.) ჯარის გაყიდვით ნაშოვნ 1 ან 2 ლარით ისინი პურს ყიდულობენ.“

„დოსააფის“ კოლექტიური ცენტრში მცხოვრებ დევნილებს არჩევანი გაკეთებული აქვთ. როგორ ხედავს მათ მომავალს სუბელიანის უწყება?

დევენილთა ქალი „სინერგია“ შეიცადა, გადაამოწმებინა ინფორმაცია დევნილთა მოსალოდნელი მასობრივი გაემოსახლების შესახებ.

ჩვენი ინფორმაციით, რომელიც ეყრდნობა საქართველოს ოკუპირებული ტერიტორიებიდან დევნილთა და ლტოლვილთა სამინისტროს სამეთვალყურეო საბჭოში შემავალი რამდენიმე საერთაშორისო ორგანიზაციის შეტყობინებას, ამჟამად დევნილთა მასობრივი გაემოსახლება მოსალოდნელი არ არის.

სინათლის სხივი ფოცხო-ენერგია

„უკვე მეცხრე თვეა, რაც ყველასთვის ცნობილია ფოცხო-ენერგის დევნილთა დასახლების პრობლემების შესახებ, მაგრამ უკეთესობისკენ ცვლილებები იქ ჯერ კიდევ არ იგრძნობა. დევნილთა მოთხოვნები საზოგადოებრივი ტრანსპორტის დანიშნვის, ამბულატორიის, საბავშვო ბაღის აღდგენასთან დაკავშირებით ჯერ კიდევ დაუწყვეტილი დევნილთა ფოცხოში არსებულ სავაჭრო წერტილებში საკვებ პროდუქტებზე ფასები მუნიციპალიტეტის ცენტრებში არსებულ ფასებს ორჯერ აღემატება, იქამდე მგზავრობა კი 5 ლარზე მეტი ღირს. ამიტომაც, სწორედ შესვდებით ჯვარიდან ფოცხოში ფეხით მომავალ ადამიანებს“ - გვაცნობინებს ზუგდიდში მოქმედი არასამთავრობო ორგანიზაცია „საუნჯის“ ხელმძღვანელი - **იაგო ფასანძე**.

ფოცხო-ენერგის დევნილთა დასახლებაში „საუნჯე“, ნაციონალიზმისა და კონფლიქტების კვლევის ინსტიტუტის რეკომენდაციითა და ბრიტანული არასამთავრობო ორგანიზაცია „შერიგების რესურსების“ ფინანსური მხარდაჭერით, ახალგაზრდული რესურს-ცენტრი გახსნა.

„საუნჯე“ დევნილთა პრობლემებზე მომუშავე არასამთავრობო ორგანიზაციათა ქსელ „სინერგიის“ წევრია. აქედან გამომდინარე, ფოცხო-ენერგში არსებული სიტუაციის შესახებ ინფორმაციას ქსელი პირველწყაროდან იღებს და ამ ურთულეს სოციალურ-ეკონომიკურ გარემოში ჩასახლებული დევნილების მათთვის კარგად გრძნობს.

იაგო ფასანძე: „თბილისიდან ფოცხო-ენერგში იძულებით, ერთდროულად ჩასახლებულ დევნილთა 20 ოჯახიდან დარჩენილია 12 ოჯახი; მათ იქ დამატებენ თბილისიდან ნებაყოფლობით ჩასულს, ასევე, სხვა მუნიციპალიტეტებიდან ჩასახლებული დევნილები.“

დასახლებაში სულ 554 დევნილია რეგისტრირებული, მაგრამ რეალურად, იქ გაცილებით

ბით ცოტა ცხოვრობს. ოთახები დაკეტილია: დევნილებმა ან ვეღარ გაუძლეს იქაურ პირობებს, ან, უბრალოდ, ბინები მიიღეს და შემდეგ აღარ გამოჩენილან. ზოგიერთი გალის რაიონში ცხოვრობს და ფოცხოში სწორედ ჩადის. მიგრაცია იმდენად ინტენსიურია, რომ რეალურად, ფოცხო-ენერგში თავმოყრილ დევნილთა ზუსტი რაოდენობა დაუდგენელია.

ფოცხო-ენერგში დევნილები კვლავ სხვების დახმარების იმედით ცხოვრობენ. იმისთვის, რათა მათ საკუთარი თავის რჩენა შეძლონ, საჭიროა იმ არასამთავრობო ორგანიზაციების მეტად მობილიზება, რომლებიც მცირე გრანტებს გასცემენ და ხელს უწყობენ მცირე ბიზნესის განვითარებას. ამასთანავე, საჭიროა ფოცხო-ენერგში საარსებო გარემოს გაუმჯობესებისთვის აღებული პასუხისმგებლობის შესწავლა ხელისუფლებისა და ადგილობრივი თვითმმართველობისათვის. ასევე, საჭიროა თავად დევნილთა თემის გააქტიურება და ჩართულობა ფოცხო-ენერგში ცვლილებებისათვის და თვითმმართველობასთან კომუნიკაციის დასამყარებლად.

იაგო ფასანძე „საუნჯის“ რესურს-ცენტრის ამ მიმართულებით მუშაობაზე ამხსილებს ყურადღებას:

„ვატარებთ შეხვედრებს ახალგაზრდებთან. ვსაუბრობთ სამოქალაქო აქტიურობაზე, სამოქალაქო პასუხისმგებლობაზე და იმ რესურსებზე, რომელიც თითოეულ ახალგაზრდას, თითოეულ მოქალაქეს აქვს. ახალგაზრდებმა უკვე დაიწყეს მუშაობა ორ მნიშვნელოვანი პრობლემის - საზოგადოებრივი ტრანსპორტის რეისის დაწესებისა და ფოცხო-ენერგში „ლიბერტი ბანკის“ მომსახურების საკითხის გადასაწყვეტად. პრობლემის მოგვარების შემთხვევაში, თვეში ორჯერ, პენსიებისა და დევნილთა შემწეობის თანხის გასაცემად, ბანკი დევნილებს ადგილზე მოემსახურება. ასევე, ტრანსპორტის რეისის დანიშნვის თაობაზე

ახალგაზრდებმა უკვე შეაგროვეს ხელმოწერები და მიმართეს პრეზიდენტის რწმუნებულს სამეგრელო-ზემო სვანეთის რეგიონში.

რესურს-ცენტრში ახალგაზრდები სწავლობენ კომპიუტერულ პროგრამებს; არის უფასო კომპიუტერული და ინტერნეტმომსახურება, დევნილებს უწევს იურიდიულ კონსულტაციას, ეწყობა შეხვედრები ბავშვებთან, ახალგაზრდებთან და ქალებთან.

მე-9 და მე-12 კლასების მოსწავლეებს ჩვენს წარმომადგენლობაში, პირველ ეტაპზე, კომპიუტერული პროგრამების შესწავლის საშუალება მიეცემა. მოთხოვნა დიდია და, კომპიუტერების რაოდენობის სიმცირის გამო, ყველა პირველ ეტაპზე ვერ გაივლის კურსს, მაგრამ ამის საშუალება მათ შემდეგ ეტაპზე მიეცემა.

ამ ერთი თვის განმავლობაში ათეულობით ადამიანს გავუწიეთ ინტერნეტმომსახურება. მათ საშუალება ეძლევათ, მოიძიონ მათთვის საინტერესო ინფორმაცია, დაუკავშირდნენ ახლობლებს სოციალური ქსელების საშუალებით. გარდა ამისა, ბევრ დევნილს არ აქვს სოციალურად დაუცველის სტატუსი და არ იცის, როგორ უნდა იმოქმედოს, ვის მიმართოს ამ სტატუსის მისაღებად. ჩვენ მათ იურიდიულ კონსულტაციას ვუწევთ.

„საუნჯეში“ კვირაში ერთხელ იკრიბებიან ბავშვები, ხატავენ, უყურებენ მულტფილმებს, ვანგდით მათთვის საინტერესო ინფორმაციას.“

ახალგაზრდული ცენტრის მუშაობას ფოცხო-ენერგში მცხოვრები დევნილები აფასებენ:

რუსუდან გოჩავა, 18 წლის: „კომპიუტერის სწავლების შესაძლებლობა ჩვენთვის ძალიან სასიამოვნო მოულოდნელობა იყო. ჩემთვის ეს განსაკუთრებით დროული იყო, რადგან აბიტურიენტი ვარ. გამორჩეულად დამამახსოვრდა ჩვენი შეხვედრა ფსიქოლოგთან. ვარ ახალგაზრდული ჯგუფის წევრი, რომელიც ჩვენთან არსებული პრობლემების მოგვარებაზე მუშაობს. ასე რომ, ერთდროვანი ცხოვრება გარკვეულწილად შეიცვალა.“



რი, რომელიც ჩვენთან არსებული პრობლემების მოგვარებაზე მუშაობს. ასე რომ, ერთდროვანი ცხოვრება გარკვეულწილად შეიცვალა.“

უფლებებზე, გვიჩვენებენ მულტფილმებს, ვხატავთ. ფოცხოში ამდენი ბავშვი ერთად არასოდეს შეგკრებილვართ. უკვე კვირაში ერთხელ ვიკრიბებით.“

**დასასრული
მე-4 გვერდზე**

დევნილები ბაკურციხეში: ნოსტის სუნიტ გაუდენილი პერსპექტივა

ბაბრამლევა

„ხელს ერთი ულუფის მიღებაზე გვაწერინებენ, მაგრამ ვინ იცის, თვითონ რამდენს იჯიბავენ. თუკი ერთსულიან და ხუთსულიან ოჯახზე პროდუქტს ერთნაირად ანაწილებენ, სხვა რა უნდა იფიქრო?!“ - კითხულობს **ირინა სირაძე**.

ნიშანდობლივია ისიც, რომ ბაკურციხეში შარშან, აგვისტოში ჩასახლებულ დევნილებს, ვიდრე მათ იანვარში დევნილთა ახალი ნაკადი არ მიემატა, არანაირი დახმარება არ მიუღიათ.

ირინე სირაძე: „აგვისტოში გად-



მინისტრი სუბელიანი ბაკურციხეში 3 მარტს იყო. ვდევნილები ამბობენ, რომ სწორედ მაშინ შეპირდა ის მიწებსაც, ქათმებიც მოუვანასაც და საქათმეების ამუშავსაც. მას შემდეგ არც დანაპირები ჩანს და არც - სუბელიანი.

„ყოველ ოჯახს ხელს პროდუქტის ერთი ულუფის მიღებაზე გვაწერინებენ. ვინ იცის, თვითონ რამდენს იჯიბავენ. თუკი ერთსულიან და ხუთსულიან ოჯახზე პროდუქტს ერთნაირად ანაწილებენ, სხვა რა უნდა იფიქრო?!“

მოგვიყვანეს. მას შემდეგ ჩვენთვის არაფერი მოუკითხავს. იანვარში დევნილთა მეორე ნაკადი რომ მოიყვანეს, მხოლოდ მაშინ მოგვითანეს ცოტადენი დახმარება. აგვისტოში აქ 9 ოჯახი მოვიდა, იანვარში - დანარჩენები. სულ 55 ოჯახი ვართ. დევნილები ორ კოორპუსში ცხოვრობენ, 3 შენობა კი ცარიელია.“

„სუბელიანი რომ მოვიდა, თავი ისე მოუჩვენა, თითქოს ყველაფრით კმაყოფილები ვიყავით. ასე იმიტომ მოვიქცით, რომ მისმა თანმხლებმა პირებმა - სამინისტროს წარმომადგენლებმა დაგვარაკეს: ცუდი არაფერი თქვათ, თქვენთვის ასე უკეთესი იქნებაო.“

ნონებს. ეს კი მათ შიშის საფუძველს უქმნის: „აპრილში დაგიკანონებთ - შეგ-ვპირდნენ, მაგრამ არავინ გამოჩენილა. აქედანაც რომ აგვეარონ?“

დევნოილბი სჰჰართველოში - ინტებრაციი თუ დეზინტებრაციი?

ინტებრაციი სოციალური, ეკონომიკური და პოლიტიკური პროცესი, რომლის მიზანია ცალკეულ ჯგუფთა თვითდენტიფიკაციის ერთიან საზოგადოებრივ და კულტურულ ჩარჩოებში მოქცევა. მოხდა თუ არა ორი ომის შედეგად გაჩენილი დევნილების ინტებრაცია იმ საზოგადოებაში, რომელიც მათ დახვდა? - ამის შესახებ სპეციალისტთა შორის აზრთა სხვადასხვაობაა. მათი გარკვეული ნაწილი ფიქრობს, რომ დევნილთა ინტებრაციი სოციალურ-სამართლებრივი კუთხით შემდგარი პროცესია, რომელიც კვლავ ვითარდება; ზოგიერთი კი მიიჩნევს, რომ დევნილთა ინტებრაციასთან კი არა, დეზინტებრაციასთან გვაქვს საქმე, რასაც ხელი საქართველოს ხელისუფლებამ შეუწყო.

სოციალური პროგრამების ფონდის თავმჯდომარე ირაკლი ბოკუჩავა ჩვენთან საუბრისას ამბობს, რომ დევნილთა ინტებრაციასთან დაკავშირებით ჩვენს ქვეყანაში, როგორც სამართლებრივ, ასევე, სოციალურ ჭრილში პრობლემა არასოდეს ყოფილა: „დევნილები აფრიკის კი არა, საქართველოს მოქალაქეები არიან და, შესაბამისად, მათი ინტეგრირების პრობლემა არასოდეს ყოფილა. ადრეულ ეტაპზე იყო რაღაც ხარვეზები, მაგრამ ეს ხარვეზები სამართლებრივ ჭრილში გამოსწორდა“.

ბოკუჩავა ხაზგასმით აღნიშნავს, რომ დევნილთა ინტებრაციის ხელისშემშლელი არც თეორიული და არც პრაქტიკული

ფაქტორი ქვეყანაში არ არსებობს:

„საზოგადოებაში დევნილთა ინტეგრირებაზე საუბრისას სხვადასხვა ასპექტი უნდა გავითვალისწინოთ. უნდა გავითვალისწინოთ, სურს თუ არა დევნილ საზოგადოებას ინტებრაცია ადგილობრივ საზოგადოებაში, და ასევე, აქვს თუ არა ადგილობრივ საზოგადოებას დევნილების მიღების სურვილი. ასე რომ, დევნილთა ინტებრაციის ასპექტში მიღებულ შემდეგთან დაკავშირებით ცალსახად დადებითი ან უარყოფითი პასუხის გაცემა სწორი არ იქნება.“

ინტებრაციის პრობლემა ქვეყანაში არ არსებობს. ნებისმიერ დევნილს რომ ჰქონოთ, სწორედ ასე გიპასუხებთ. თუკი ამ შეკითხვას სვამთ, გამოდის, რომ დევნილები არ ყოფილან ქართული საზოგადოების ნაწილი, ანუ ისეთ პრობლემას ვქმნით, რომელიც, რეალურად, არ არსებობდა. თუკი დევნილები უცხოეთიდან ჩამოსულები არ არიან, რომელ ინტებრაციაზე ვსაუბრობთ?! დევნილები თავიდანვე საზოგადოებამ მიიღო და, ყველაზე მეტად, მათ სწორედ საზოგადოებამ ეხმარებოდა.

2003 წლამდე, როცა დევნილებს საკუთრების უფლება არ ჰქონდათ, შეიძლებოდა ამ პრობლემაზე გვესაუბრა. მაგრამ 2003 წლის ნოემბერში რაღაც ხარვეზები გამოსწორდა; დევნილებს არჩევნებში მონაწილეობის საშუალება მიეცათ. რაც შეეხება სოციალურ ინტებრაციას, ეს პროცესი დაწყებულია“.

არასამთავრობო ორგანიზაცია „აღამიანის უფლებების პრო-ორიტეტის“ ხელმძღვანელი ლია



ლია მუხაშვილი: „ფოცხო-ენერსა თუ ბაკურციხეში დევნილთა განსახლებაზე დეზინტებრაციის პროცესს ხელი კიდევ უფრო შეუწყო“.

მუხაშვილია მიიჩნევს, რომ დევნილთა ინტებრაცია მიღწეული, პრაქტიკულად, არ არის.

ლია მუხაშვილი: „ინტებრაციის საკითხს იმ მოქმედებიდან გამომდინარე უნდა შევხედოთ, რაც საქართველოს ხელისუფლებამ განახორციელა დევნილთა მიმართ. ინტებრაცია ნიშნავს დევნილებისთვის ხელშეწყობას, რათა უკეთესად შეეგუონ გარემო პირობებს; უმეტეს შემთხვევაში კი მათი მოსახლეობის დაზარალება. მასში იგულისხმება არამართო განსახლება, არამედ დევნილთა განთავსება საგანმანათლებლო დაწესებულებებში, მათთვის სამუშაო ადგილების შექმნა და სამუშაო ადგილების შეთავაზება; ასევე,

სხვა ინფრასტრუქტურებთან გამართვებული ურთიერთობა - იმისათვის, რომ ყოფილი პრობლემების გადაწყვეტა გაუადვილდეთ. მაშინ, როცა ხდება დევნილთა მიერ არჩეული, უკვე შეჩვეული ადგილებიდან მათი გადასახლება და განსახლება იქ, სადაც ეს ადამიანები ადრე არ ცხოვრობდნენ, არ ჰყოლიათ ახლობლები, როცა ადგილობრივი ინფრასტრუქტურა მათთვის მიუწვდომელია, ეს, რა თქმა უნდა, დეზინტებრაციას ნიშნავს. გამოდის, რომ დევნილი არის ადამიანი, რომელიც არის განსაკუთრებით მოწყვლადი, განსაკუთრებით მძიმე სოციალური მდგომარეობის მქონე.“

მთავრობის მოვალეობაა სწორედ ის არის, რომ ხელი შეუწყოს დევნილთა ინტებრაციას. 90-იან წლებში, როცა დევნილები დიდ ქალაქებში მოხვდნენ, ხელისუფლებამ დევნილებისა და დანარჩენი საზოგადოების დაპირისპირების პოლიტიკა უფრო გააძაბა, ვიდრე მათი ურთიერთობის ხელშეწყობის.

აგვისტოს ომის შემდეგ კი

ყველამ იცის, რომ ამ ქვეყანაში დევნილსა და იმასაც, ვინც დევნილი არ არის, მთავრობის იმედი არ უნდა ჰქონდეს. მიუხედავად იმისა, რომ ხელისუფლებას დევნილთა ინტებრაცია კანონით ევალება, ის საპირიპის პირობა აკეთებს. ამიტომაც მიმაჩნია, რომ ეს ყველაფერი არა დევნილთა ინტებრაციას, არამედ დეზინტებრაციას ნიშნავს, - აცხადებს უფლებადამცველი. მუხაშვილის თქმით, ფოცხო-ენერსა თუ ბაკურციხეში დევნილთა განსახლებაზე დეზინტებრაციის პროცესს ხელი კიდევ უფრო შეუწყო.

„წარმოიდგინეთ, იანვარში, როცა შუა სასწავლო წელია, როცა სკოლებში არ დადგები დასრულებულია, მაშინ ასახლებაზე დევნილებს ფოცხო-ენერსა თუ ბაკურციხეში გაითვალისწინეთ ისიც, რომ იქ სამუშაო ადგილები არ არის. ხალხი ოჯახიანად აყარეს და გადასახლეს. შეიძლება, ბავშვი სკოლაში არ მიიღონ, ან კიდევ - ვერ მიესადაგოს ადგილზე მიმდინარე სასწავლო პროცესს; დევნილმა სამუშაო

ირაკლი ბოკუჩავა: „ინტებრაციის პრობლემა ქვეყანაში არ არსებობს. ნებისმიერ დევნილს რომ ჰქონოთ, სწორედ ასე გიპასუხებთ“.

მოსახლეობამ თვითონ გამოიჩინა ინიციატივა: პირველ დღეებში, როცა ამ ადამიანებისთვის არანაირი დახმარება არ არსებობდა, მოქალაქეებს საკუთარი ინიციატივით მიჰქონდათ საკვები; ყველანაირად ცდილობდნენ დახმარების გაწევას.

ვერ იშოვოს, ავადმყოფმა ვერ იშოვოს ის ექიმი, რომელიც მას სჭირდება; ვერ მოძებნოს აფთიაქი, რომელიც წამალი უნდა იყიდოს... დეზინტებრაცია კი სხვას არაფერს ნიშნავს“.

მარი ოთარაშვილი

დევნოილთა გამოსახლების მორიბი ეტაპი გადაიდო?

მარი ოთარაშვილი

დევნილთა მასობრივი გამოსახლების მესამე სერია მაისში აღარ იქნება. დევნილთა სამოქალაქო მოძრაობის თავმჯდომარე - დავით მალაზონია აცხადებს, რომ სამინისტრომ დევნილთა მორიგი განსახლება, რომელიც მაისში იყო დაგეგმილი, სავარაუდოდ, გაფხულისთვის გადადო. მისივე ინფორმაციით, სუბელიანის უწყება დევნილებს 180 ობიექტიდან უპირებს გამოსახლებას.

დავით მალაზონია: „მაქვს სარწმუნო ინფორმაცია იმის შესახებ, რომ 180 ობიექტიდან იგეგმება დევნილების გამოსახლება. მაგრამ შემოიღია გითხრათ, რომ ეს მთავრობას ძალიან გაუჭირდება. თუკი აქამდე, დევნილთა გამოსახლებების დროს ხელისუფლებისთვის წინააღმდეგობის გასაწევად საკმარისად მოზიდაზებული არ ვიყავით, ახლა დევნილების საკმაოდ დიდი არმია გვყავს.“

დამოკავშირდნენ ბოგდან ხმელნიცკის ქუჩაზე მდებარე კავშირგაბმულობის ტექნიკუმის შენობაში მცხოვრები დევნილები. როგორც მათ მითხრეს, გამოსახლებით უკვე ემუქრებიან. ასევე, ენუქიძის 7-დან და გურამიშვილის 64-დან, ვარკეთილის მეორე მიკრორაიონში მდებარე 204-ე ბაგა-ბაღიდან, ვარკეთილში მდებარე ენ. აგურის სახლებიდან, ნუტუბიძის მეოთხე მიკრორაიონში მდებარე მე-8 კორპუსიდან, გახოკიძის 8-დან... ასევე, გამოსახლებას უპირებენ ქალაქის სხვადასხვა უბანში, ბაგა-ბაღებში მცხოვრებ დევნილებს.

სტრატეგიის მიხედვით, გამოსახლების შემთხვევაში, ხელისუფლებამ დევნილები უნდა დააკმაყოფილოს ალტერნატიული ფართით, სადაც მათ ექნებათ ნორმალური საცხოვრებელი პირობები



ბი დაწყარო არსებობისთვის.

სხვა შემთხვევაში, მორიგ გამოსახლებას არ დაუშვებთ. ყველა საშუალებით ვეცდებით, სუბელიანის უწყებას წინააღმდეგობა გაუწიოთ“, - აცხადებს მალაზონია.

„კარგად გვახსოვს, ზუგდიდში, არჩევნების წინ, როგორ მოგვიშვირა დევნილებს საათი სააკაშვილმა და გვითხრა: ეს დრო დაინიშნეთ, თქვენ დაბრუნდებით აფხაზეთში. როგორც ჩანს, ის საათი გაჩერებული ყოფილა. ჩვენ არა-

ფერს დავთმობთ. არაფრის გვეშინია“, - ამბობს დევნილთა სამოქალაქო მოძრაობის თავმჯდომარის მოადგილე დიმიტრი ომანაძე.

დევნილებსა და მათი პრობლემებით დაინტერესებულ პირებს ყველაზე მეტად ის აფიქრებთ, რომ სუბელიანის უწყება დევნილთათვის საცხოვრებელი ფართის დაკანონებას თავს არიდებს.

„კონსერვატორ“ ლაშა ჩხარტიშვილის ინფორმაციით, თბილისში დევნილებს დაკანონებული არ აქვთ 300-ზე მეტი ობიექტი. სწორედ ეს აძლევს მას იმაზე ფიქრის საფუძველს, რომ დევნილთა გამოსახლების პროცესს გაგრძელება აუცილებლად ექნება.

ალექსანდრე შალამბერიძე კი ამბობს, რომ დევნილთა განსახლება იგეგმება არამხოლოდ დედაქალაქში, არამედ გორშიც:

„საუბარია გორის საბაგეშო ბაღებზე, ასევე, სკრასა და გორთან ახლოს მდებარე სხვა სოფლებზეც“.

მართლაც გეგმავს თუ არა სუბელიანის უწყება თბილისში მდებარე, დევნილთა 180 განსახლებიდან მათ განსახლებას; თუ იგეგმება, კონკრეტულად - როდის, რომელი ობიექტებიდან და რატომ არ უკანონებენ დევნილებს ფართებს - ამ შეკითხვებით ჩვენ საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს მივმართეთ. აღნიშნული შეკითხვები სამინისტროს პრესსამსახურის უფროსს, ეკა გულუას თავდაპირველად ზეპირი სახით დაუუსვით და სამინისტროში კომპეტენტურ პირთან დაკავშირება ვთხოვეთ. გულუამ შეკითხვების ელექტრონული ფოსტით გადაგზავნა მოგვთხოვა. სამინისტროდან პასუხები არც ამ ფორმით მიგვიღია.

მედიაში ასახული დევნილთა განსახლების პროცესი

მიმდინარე წლის თებერვალში, ფონდ „ლია საზოგადოება - საქართველოსთვის“ IPM Media Monitoring-ის მიერ მომზადდა ანგარიში: „დევნილთა განსახლების პროცესის საინფორმაციო გამოვლინებების ანალიზი 2011 წლის იანვრის მედიაში (ტელევიზია, პრესა, რადიო)“.

კვლევაში მოცემულია სიუჟეტები / სტატიების რაოდენობრივი განაწილება მედია საშუალებების მიხედვით; მედია საშუალებების მიერ მოვლენის შეფასების რაოდენობრივი და შინაარსობრივი კლასიფიკაცია; დევნილთა განსახლების პროცესთან დაკავშირებული მოვლენების გაშუქების რაოდენობრივი და შინაარსობრივი აღწერა; სუბიექტების მიერ დევნილთა განსახლების პროცესის შეფასებების პროცენტული გადანაწილება სუბიექტებსა და მედია საშუალებებს შორის.

დევნილთა განსახლების თემას 2011 წლის 1 იანვრიდან 1 თებერვლის ჩათვლით სულ 195 რადიო სიუჟეტი, 105 სტატია და 221 სატელევიზიო სიუჟეტი დაეთმო.

რადიო არხებიდან ყველაზე მეტი რაოდენობით გამოირჩევა რადიო „პალიტრა“ - აღნიშნულ თემაზე შემოთავაზებული 57 სიუჟეტით. ეს კი რადიო სიუჟეტების 29%-ს შეადგენს. შემდეგ მოდის რადიო „უცნობი“ (26%) და, თითქმის თანაბარი რაოდენობით - რადიო „ქალაქი“ (16%) და რადიო „ფორტუნა“ (13%).

დევნილთა განსახლების თემას პრესაში ყველაზე მეტი - 20-ზე მეტი სტატია დაუთმო „ახალმა თაობამ“ - სულ სტატიების რაოდენობის 19%. მას მცირედით ჩამორჩება „რეზონანსი“ (15 სტატია), მე-3 და მე-4 ადგილებს კი „მესინჯერი“ და „24 საათი“ ინაწილებენ.

კვლევის მიხედვით, ყველაზე მეტი სიუჟეტი განსახლების თემას ტელეკომპანია „მანესტრომ“ დაუთმო - 78 სიუჟეტი, რაც მთელი სატელევიზიო სიუჟეტების 35%-ია. რაოდენობის თვალსაზრისით, მეორე ადგილზეა ტელეკომპანია „კავკასია“ - 23%-ით. შემდეგ მოდიან „საზოგადოებრივი არხი“ და „რუსთავი - 2“ - სიუჟეტების თითქმის თანაბარი რაოდენობით (17%-14%).

ანგარიშში მოცემულია მედია საშუალებების მიერ მოვლენის შეფასების რაოდენობრივი და შინაარსობრივი კლასიფიკაცია. მასში ხაზგასმულია, რომ: „სიუჟეტის შეფასე-

ბა ხდება არამართო იმის მიხედვით, თუ როგორ წარმოაჩინა მოვლენა ჟურნალისტმა, არამედ იმის მიხედვითაც, თუ რა ტიპის ფაქტების შემცველია ის. სიუჟეტი, რომელიც მოიცავს ნეგატიურ ფაქტებსა და ნეგატიურ კომენტარებს - ნეგატიურია; პოზიტიური ფაქტებსა და კომენტარებს - პოზიტიური. ნეიტრალურია სიუჟეტი, თუ ის მხოლოდ ფაქტის კონსტატაციას ახდენს, ყოველგვარი შეფასების შემცველი ეპითეტებისა და სიტყვათა შეთანხმებების გარეშე, ან მოიცავს ორი დაპირისპირებული მხარის არგუმენტებს.

ანგარიშში მოცემულია მედია საშუალებების სიუჟეტებისა და სტატიების რაოდენობრივი და პროცენტული გადანაწილება სამივე მედია სექტორში.

კვლევის მიხედვით, მთლიანად, რადიო სიუჟეტების 63% (123 სიუჟეტი) ნეგატიურ ხასიათს ატარებს, 11% (21 სიუჟეტი) კი - პოზიტიურს. პრესაში ნეგატიურია სტატიების 69%, პოზიტიური კი მხოლოდ 7%-ია. რაც შეეხება ტელევიზიას: სიუჟეტების მთელი რაოდენობის 59% ნეგატიურია, 13% კი - პოზიტიური.

კვლევაში მოცემულია დევნილთა განსახლების პროცესთან დაკავშირებული მოვლენების გაშუქების რაოდენობრივი და შინაარსობრივი აღწერა. მაგალითად, მასში აღნიშნულია, რომ „რეზონანსი“, „ახალი ვერსია“, „ტაბულა“, „მესინჯერი“, „ახალი თაობა“, „საქართველოს რესპუბლიკა“ გვთავაზობენ ორი მხარის არგუმენტებს ალტერნატიულ ფართებთან დაკავშირებით, „პრაიმ-ტაიმი“ კი მხოლოდ პოზიტიურად აშუქებს სამინისტროს მიერ შეთავაზებულ ფართებს.

კვლევაში მოცემულია სტატიების რაოდენობრივი და შინაარსობრივი კლასიფიკაცია, განსახლების პროცესის სხვადასხვა ასპექტის საფუძველზე. ირკვევა, რომ გამოსახლების მიმე ფორმას პრესაში დიდი ადგილი ეთმობა - 26 სტატია, და ძირითადად, საუბარია დილით ადრე, პოლიციელების ძალით დევნილების გამოსახლებაზე. არაადეკვატური საცხოვრებელი პირობების შესახებ კი 21 სტატია მოგვითხრობს. გარდა ამისა, „საინტერესოა Human right watch-ის ანგარიშში საქართველოსთვის დათმობილი გვერდების რაოდენობის შესახებ „საქართველოს რესპუბლიკისა“ და „კვირის პალიტ-

რის“ ინფორმაცია. პირველი ამბობს, რომ 5 გვერდი დაეთმო საქართველოს, ხოლო მეორე გამოცემის მიხედვით - 30“.

რამდენიმე მოვლენა ხასიათდებოდა ურთიერთსაინააღმდეგო გამოვლინებებით - როგორც ერთი რადიო არხის სიუჟეტების, ასევე, სხვადასხვა არხის შედარებისას. აღნიშნული განსხვავებები ხშირად სხვადასხვა ობიექტზე, დევნილთა სხვადასხვაგვარი განცხადებებით არის გამოწვეული; რადიო არხები აღნიშნული ინფორმაციების გაშუქებისას, ძირითად შემთხვევაში, მიუთითებენ ინფორმაციის წყაროს. ასეთ თემებს მიეკუთვნება: კომპენსაციის, გამოსახლების შესახებ შეტყობინებების მიღება-არმიღების, ალტერნატიული ფართების შეთავაზების საკითხები; განსახლების ობიექტების რაოდენობა.

ოპოზიციის ჩართულობას დევნილთა განსახლების პროცესში ყველაზე მეტი ჯამური გამოვლინება (159 სიუჟეტი) აქვს სატელევიზიო სივრცეში. ყველაზე მეტი სიუჟეტი ამ თემაზე „მანესტრომ“ უთმობს.

ალტერნატიული ფართების საკითხს 63 სიუჟეტი დაეთმო. სხვადასხვა არხი სხვადასხვა მიმართულებით ამახვილებს ყურადღებას ფართებთან დაკავშირებით. „კავკასიის“ ინფორმაციით, დევნილების ნაწილი აცხადებს, რომ ალტერნატიული ფართები არ შეუთავაზებიათ; ნაწილი უარს აცხადებს არადაამაკმაყოფილებელი პირობების გამო, სამინისტროს პასუხი კი ასეთია: თბილისში ყველა დევნილისთვის ადგილი არ არის.

„იმედი“ მხოლოდ სამინისტროს განცხადებას აშუქებს ფართების შეთავაზების თაობაზე, „რუსთავი-2“ და „მანესტრომ“ როგორც სამინისტროს, ასევე, დევნილების დამოკიდებულებებს აშუქებენ, თუმცა, „მანესტრომ“ უფრო მეტად სწორედ დევნილთა კომენტარებით შეთავაზებული ფართით უკმაყოფილების თაობაზე.

საერთაშორისო ორგანიზაციები - სა და არასამთავრობოების ჩართულობას პროცესებში 37 სიუჟეტი ეთმობა.

12 სიუჟეტი ეთმობა გამოსახლების მიმე და მიუღებელ ფორმებს, სადაც კვლავ დილით ადრე, 6-7 საათზე, პოლიციის ძალით დევნილთა გამოსახლება ფიგურირებს. კვლევაში ხაზგასმულია, რომ ამ ფაქტს „რეალ-ტივი“ და საზოგადოებრივი არხი არ აშუქებენ.

გამოსახლების მიმე და მიუღებელ ფორმებს, სადაც კვლავ დილით ადრე, 6-7 საათზე პოლიციის ძალით გამოსახლება ფიგურირებს, 12 სიუჟეტი ეთმობა, აღსანიშნავია, რომ „რეალ-ტივი“ და „საზოგადოებრივი არხი“ არ აშუქებენ აღნიშნულ ფაქტს.

ნესებისა და პროცედურების დაცულობის საკითხს სულ 12 სიუჟეტი ეთმობა. „კავკასია“ და „მანესტრომ“ ორ მხარეს წარმოადგენენ პროცედურების დაცულობასთან დაკავშირებით: სუბელინის განმარტავს, რომ პროცედურები მიჰყვება იმ გეგმას, რაც შემუშავებულია საერთაშორისო ორგანიზაციებისა და არასამთავრობოების რეკომენდაციებითა

და ჩართულობით, თუმცა, ადვოკატი ლია მუხაშავრია და ოპოზიციონერები კანონის დარღვევებზე მიუთითებენ. „იმედი“, „რუსთავი-2“ და „საზოგადოებრივი არხი“ მხოლოდ სამინისტროს განცხადებას ავრცელებენ.

არაადეკვატურ საცხოვრებელ პირობებს მხოლოდ „მანესტრომ“ და „კავკასია“ უთმობენ 11 სიუჟეტს.

დევნილის ცემის ფაქტზე მხოლოდ „კავკასია“ საუბრობს ორ სიუჟეტში და აქვე მოცემულია სამინისტროს მიერ ფაქტის უარყოფაც.

ასევე, ორ სიუჟეტშია ნახსენები დევნილთა ნივთების ორთაჭაღის საწყობში მოთავსების ფაქტი. ამის შესახებ „მანესტრომ“ საუბრობს. „ალსანიშნავია, რომ ეს ფაქტი არც ერთ სხვა მედიაში არ გაშუქებულა“, - ნათქვამია კვლევაში.

როგორ ნაწილდება სუბიექტების მიერ დევნილთა განსახლების პროცესის შეფასებები სუბიექტებსა და მედია საშუალებებს შორის? ანგარიშში განმარტებულია, რომ დევნილთა გამოსახლების ფაქტის შეფასება მოხდა სხვადასხვა პოლიტიკური მიმართულების, პარტიების, დამოუკიდებელი ექსპერტების, თვით დევნილების, არასამთავრობო ორგანიზაციების, საზოგადოების მიერ.

ყველა რადიო სიუჟეტში გამოვლენილი ნეგატიური შეფასებების 28% რადიო „უცნობი“ გაჟღერდა, პოზიტიური კი არის მხოლოდ სამინისტროსა და მისი წარმომადგენლების შეფასებები: სულ - 40 შეფასება.

პრესაში მოცემული ნეგატიური შეფასებების 15-15% მოიცავს „რეზონანსი“ და „მესინჯერი“-ს, მათ მოსდევს „ახალი თაობა“ - 13%-ით. პოზიტიური შეფასებებიდან ყველაზე მეტი - 23-23% მოდის „მესინჯერზე“, „პრაიმ-ტაიმი“-სა და „ტაბულაზე“ - 22%. ტელეკომპანია „მანესტრომ“ მოიცვა ყველაზე მეტი ნეგატიური შეფასება - მთელი სატელევიზიო ნეგატიური შეფასებების 41%; ყველაზე მეტი პოზიტიური შეფასება - 34% კი „საზოგადოებრივი არხზე“.

და ბოლოს, კვლევაში მოცემულია მედია საშუალებებით გავრცელებული ციტიტები, რომელიც დევნილთა გამოსახლების პროცესის შეფასებას გამოხატავს პოზიტიურ და ნეგატიურ კონტექსტში. მაგალითისთვის:

ნეგატიური შეფასება: „ხელისუფლებამ მარცხი განიცადა გამოსახლების საერთაშორისო სტანდარტებთან შესაბამისობაში, რადგან არ გაუმართავს გულწრფელი კონსულტაციები დევნილებთან, არ წარმოადგენია შეტყობინება გონივრულ ვადაში და არ მოუხდენია ადეკვატური ალტერნატიული საცხოვრებელი უზრუნველყოფა“ - Human right watch („24 საათი“, 28.01.2011).

პოზიტიური შეფასება: „ეს არის ჩვეულებრივი სოციალური პროცესი, რომელსაც შეგნებულად ხმაური ახლავს ხოლმე პოლიტიკოსების მხრიდან და ეს რა მიზანს ემსახურება, გასაგებია. ეს ფართები დევნილების არ ყოფილა არასოდეს“, - კობა სუბელიანი („კავკასია“, „დღეს“, 21.01.2011; 20:30:17)

მოამზადა ნათია ახალაია

სინათლის სხივი ფოცხო-ენერგია

გაბრაქელვაა

სერგო ბოკუშავა წლების განმავლობაში რუსეთში ცხოვრობდა. რუსი ნაციონალისტების მიერ მიყენებულმა ფიზიკურმა ტრავმამ ფიქტიური ჯანმრთელობის პრობლემები შეუქმნა. 2008 წელს რუსეთიდან ქართველების დემორტაციის ტალღას ჩამოჰყვა. თბილისში დასახლდა. ფსიქიატრთან მკურნალობას აგრძელებდა, მაგრამ თბილისიდანაც იძულებით გადაასახლეს ფოცხოში. სერგო თანამედროვე ტექნოლოგიების პროგრამისტი. ავადმყოფობის მიუხედავად, კომპიუტერთან უპრობლემოდ მუშაობს. „საუნჯის“ ოფისში ის ხშირად მოდის:

„ფოცხო-ენერგია ცხოვრებას ვერ შევეგუე, რადგან დაბადებიდან სულ დიდ ქალაქში მიწვევდა ცხოვრება. ასეთ პატარა დაბაში არასოდეს მიცხოვრია.“

აქ ხშირად მტკიცა თავი და უკვე დამლევს აღარ მშველის. უძილობა მანუხებს. თბილისში კვირაში ერთხელ დავდიოდი ფსიქიატრთან და ფსიქოლოგთან.

აქედან რამდენიმე თვის წინ ტელეფონით დაგუკავშირდი ჩემს ექიმს - ხათუნა კობახიძეს, მაგრამ ვითრბა, - თუ ვერ გნახავ, ისე წამლებს ვერ დაგინიშნავო, მე კი წასვლის საშუალება არ მაქვს. მას შემდეგ, რაც ფოცხოში იძულებით მამასახლეს, თბილისში არ ვყოფილვარ. აქ კი ჩემი ავადმყოფობის მკურნალობისთვის შესაბამისი პროფილის ექიმები არ არიან.

ზუგდიდში წასვლას თვეში მხოლოდ ერთხელ ვახერხებ - მგზავრობა ძვირია. ახლობლებს მოწვევტილი ვარ. ახლა „საუნჯეში“ ხშირად დავდივარ

ფოცხო-გწერის
დევნილთა დასახლებაში
„საუნჯე“,
ნაციონალისმისა და
კონფლიქტების კვლევის
ინსტიტუტის
რეკომენდაციითა და
ბრიტანული
არასამთავრობო
ორგანიზაცია
„შერიგების“
რესურსების“ ფინანსური
მხარდაჭერით,
ახალგაზრდული
რესურს-ცენტრი გახსნა.

და მათ ინტერნეტით ვუკავშირდები. გარდა ამისა, ფოცხოში ტელევიზორით მხოლოდ ორი არხის ნახვაა შესაძლებელი, ინტერნეტის საშუალებით კი ეს ვაკუში ივსება.“
„იმედი მაქვს, რომ ჩვენი ორგანიზაციის შესაძლებლობები გაფართოვდება და თემის განვითარებისა და დასახლებაში სასიკეთო ცვლილებებისთვის მეტი რესურსი გაჩნდება“, - ამბობს იაგო ფანანძე.

conciliation
Resources
an international service for conflict transformation

UKaid
from the Department for
International Development

გაზეთი „სინერგია“ გამოდის დიდი ბრიტანეთის ხელისუფლებასთან არსებული საერთაშორისო განვითარების ფონდისა (UKAID) და ბრიტანული არასამთავრობო ორგანიზაცია „შერიგების რესურსების“ (CR) მხარდაჭერით. პროექტი: „კონფლიქტურ რეგიონებში ხელისუფლებების ანგარიშვალდებულების გაზრდა პოლიტიკური გადაწყვეტილების მიღების პროცესში მოქალაქეთა ჩართულობის ამაღლების გზით“.

„სინერგიაში“ გამოქვეყნებულ მასალებში გამოთქმული მოსაზრებები შესაძლოა, ყოველთვის არ გამოხატავდეს ქსელის საერთო პოზიციას. ქსელი იცავს სიტყვისა და გამოხატვის თავისუფლების უზენაეს ღირებულებას.